

moderationem dixeris, latinitatis haud offendes puritatem: nec ineptam cum conjunctis vocabulis efficies con-  
spirationem. Utrumq; à verbo moderari descendere notū latinæ linguæ scruta-  
toribus. Moderari verò negotia is dicitur, qui modum & nor-  
mā agendi eidem præscribit. Sic de defensionis participaturum  
privilegiis modum legali dispositione præscriptum servare o-  
portet. Posteriora duo vocabula prioris sunt restrictiva. Defen-  
sio cum totam dimicationis privatæ absolvat licentiam, & illius  
hîc servanda moderatio. Nec errantem & vagam hunc actum  
admittere tutelam demonstrârunt Legumlatores. Dirigenda  
potius ea juxta modum legum sanctione præfinitum. Unde hoc  
ipsô observatô præcisè inculcata ea, i. e. ab omni remota culpa  
reputanda. Neque enim ullô laborare potest vitiô, quod legum  
nititur munimine.

II. Germanorum dialectus sonô, non reipsâ à Latino-  
rum discrepat elegantiss. Dicitur illis nervosè satis etne rechte  
Nothwehre. Penitus intrinsecam actus nostri exprimunt Ger-  
mani formam, defensionem necessitatem habere debere comi-  
tem ostendentes emphaticè. Digna notatu verba, quibus Ca-  
rolus V. in ord. crimin. art. 140. usus: So einer jemand mit einen  
tödlichen Wafften oder Wehr überläufft / ansicht oder schläget / und der  
Benötigte kan füglich ohne Fährlichkeit oder Verletzung seines Lei-  
bes / Lebens / Ehr und guten Leumuths nicht entweichen / der mag sein  
Leib und Leben ohne alle Straff durch eine rechte Gegenwehr retten /  
und so er also den Benötigten entleibet / ist er darumb nicht schuldig.  
Verba hæc clara satis; scrupulosius interim inquirentis haud  
satisfaciunt desiderio. Generaliter concepta specialio-  
rem po-  
scunt explanationem. Confiteor, quamplurima in jure nostro  
æquô Judicis decidenda arbitriô, l. 1. π. de jur. delib. Infinita ca-  
suum diversitas circumstantiarum supponit varietatem. Et hæc  
multiformium existit causa decisionum. Multigera actionum  
humanarum singularitas legum generalium naturâ exhauriri  
nequit. Supplendus ideò defectus auxiliatrice æqui ju-  
dicis decernendi justè prudentiâ. Eadem difficultas & in præ-  
sentis nostræ materiæ campô prognasci videtur. Horrendum  
homicidii crimen nè impunitum facilè relinquatur, rei interest  
publi-